

www.BibleForChildren.org

Xujun xi y'et'a
Mateo 26



Nk'ie nga ndyja
sa jun nistjin nga
kuichú S'í Pascua,
as'ai j'ai Jesu nanki
Betania, má síña ni'yaha
Lazaro, nda xi kits'ínkj'áiya
ngáha ra ngabayoo. As'ai
j'aiko Maria nkú ra ma
masen litru ntá sinjne xi
'mi nardo, xi 'yún nda ko xi 'yún
chjí. Kui xi tsaténdzjojnúhu sjai
Jesu ko ta kuihi ntsjaku kits'ínxijnukoho. Ixi
kitsjehén nta sinjne ayoo.



As'ai Judā Iscariote, nku ndā ni'yakuyá xi te joo,
ngjisehe já nā'mi k'aku tu xi ts'iínkjas'eheñ rā Jesu jóo.
Nk'ie nga kint'é jóo éin, kama
tsjohō kō b'a incha kitsúhu
Judā nga tsjáha toon. As'ai
tsangisjai niyá Judā
xi nkú ts'ín kama
ts'iínkjas'eheñ Jesu.




As'ai kits'íntjusun já ni'yakuyóo ni
xi kitsú Jesu. Yo incha y'énda
nichinehe S'í Pascua. Nk'ie nga
tíincha kjine nichinehe S'í Pascua,
jakj'á Jesu ninkuon ko kitsjáha
máb'achjíhi Ntiana. Tsakjanya ko
kitsjáha já ni'yakuyóo nga b'a
kitsúhu: —Chjúbo ko chinoo. Kui
xu'bi xi yjonintena.



Kō tā jakj'á ch̄utsīun. Nk'ie nga ja
kitsjáha máb'achjíhi Nt̄ianá, as'ai
kitsjáha já ni'yakuyáha nga b'a
kitsúhu: —S'iuyo ngatentō
ch̄utsīin. Kui xu'bi xi jnína. Kui xi
ngjuai ndzjoho ngandaha nkjin
nkjún xuta tu xi kama ndyjat'aha
ra jéhe. Jnína tíb'éndako tsetse
Nt̄ianá nd'ai xi nkú ts'ín
nda ts'iínko xuta.



'Simon, Simon, tasinñjui. Satana tsanki nga
k'uétsujneyánuu xi nkú n'ehe tuniñu nga kjút'ayák'unnuu.
Tunga an ja tsankintjáíhi nginkun Na'miu tu xi tu nku
s'ejihín ri an. Ko ji, nk'ie nga sakú nga'yún ngáha ri nga
s'ejihin an, tisinkoi já nts'ei tu xi tu nku ndjáhá kuinchaha.
B'a kitsú Simon: —Ji nda maestru, tjínkuhu k'an nga
kfínkoho nubayá ko
santaha nga
kuayáko. B'i kitsú
Jesu: —Ji Pedro,
an b'a tíxihin. Kintehe
ni nga kjintá xanto
nd'ai, b'a kuixín
nga najmi yaní
jan niyá tjihin.



As'ai tsichuko Jesu já
ni'yakuyáha nku ante xi
'mi Getsemani ko b'a
kitsúhu: —Tintsu_ubahanu
ei. Kfín nchjako maná
Ntjaná ján. B'i kitsú:
—Na'mi, na'mi chí, ji xi
mahi n'ei tu mí nihí ni.
N'ekj'a t'axínní kjuan_uima
xu'bi. Tunga katumahá xi
nkú ts'ín mjehi, najmi xi
nkú ts'ín mjena.



Kui nga Juda j'aikoho já jun ko chuba já xi kunntá ninku
xi kits'ín nibá já na'mi k'aku ko já fariseo. Kui xi incha
y'a nd'í ko kicha. Nku nda xi síñajihin jóo
kits'ín'uhun nku nda musuhu nda na'mi tíjuun.
Tsatef'a tjabaxínñju kixi. Tunga b'ahá kitsú
Jesu: —Najmi b'a tu n'o.
Jyu tincho. Kits'ínko
tjabaxínñju nda musu
nga kits'innkihi.



As'ai jakj'ánijéhe jóo Jesu kọ ngjikohọ ni'yaha nda
na'mi tíjuun. Máha Pedro, kitsjennkí kihin Jesu.
Nk'ie nga kíts'ín'yún nd'í
jóo kamasehen
natsiun, y'entut'á
kọ Pedro ta y'ejñajihin.



Nku nda musuhu nda
na'mi titjuun xi xinkjin
maha nda xi Pedro
tsatet'a tjabaxinñju,
kui xi ta kingjasjaiyaha:
—¿A najmi kuakiehe ra
nga ko ji kabisinñakoi ndo
jan ma tjintje ya tuu? Tunga
b'aha ta kitsu ngaha Pedro
nga najmi be Jesu. Ko ta kuihi
chubo kikjinta nku xanta. As'ai
tsitjusje Pedro ko kikjinta'un
kikjintante.





As'ai t̄sisintj̄en ngayj̄ee já t̄jixóō k̄o
ngjikō Jesu nginkun̄ Pilatō. B'a
kitsúhū Pilatō Jesu: —¿A ji xi ndā
reih̄i xutā judiō? B'i kitsú Jesu:
—B'a t̄jín ni xi t̄ibixín.

Pilatō mjehē nga ts'iín
ndaíh̄i Jesu kai, kui nga
tā kinchjakohó̄ ngáha xutā
nkjiun̄. Tunga 'yún kikjintáya
xutō: —¡Tjat'a kruj̄ ndō!

¡Tjat'a kruj̄ ndō!




As'ai Pilato kitsjá kjuá nga
s'et'a kruu Jesu ko_incha
ngjikohó jóo. As'ai tsitju
Jesu nga y'ANJI kruuhu nga
ngji ante xi 'mi Nintaku
Anima, én xi tsuhu ra
Golgota nga én hebreo.



Yo kis'et'a kruu kui koo jo sa jaá.
Nku xi kis'et'a kruu nga kixihi koo
nku nga skuhun.



Najmi ta kits'ín ndzjehen ts'íu. Ko jo tsitju nga kitiyájen najyun xi tjenchja ante xi 'yún nkjúhún nínku. As'ai 'yún kikjintáya Jesu: —Ji Na'mi, aya ntsai títs'inkjas'en animana. Nga ja b'a kitsú, as'ai k'ien.



Nk'ie nga ja tíma jyun, j'ai nku nda xi
'mi Kuse xi nanki Arimatea nibáha,
xi ta nda tjíxá k'aku. Ta
tíkuyáha nistjin nk'ie nga
kuatéxuma Ntjaná. Kui xi
kama k'un ngjisehe
Pilato ko tsankihj
yjonintehe Jesu.
As'ai ts'atse Kuse

nku najyun. Kui xi
kik'ontikjánu yjonintehe
Jesu, nk'ie nga kikjejen
t'a kruu. As'ai
ngjingjáñaya nku tixa
tsjó xi kin'endat'á naxiu
ko kik'ontikjá nku ndjio
cháuka nga y'échjane
ankjua tsjóo.



N̄istjin xi ma ndyjuun, nk'ie nga j'a n̄istjin
nk'ie nga s'enda ni xi machjén S'í

Pascua, as'ai kama ñjakú
já n̄ami k'aku ko já fariseo
nginkun Pilato ko b'a
kitsúhu: —Ji nda ntia,
f'áitsjenni nga b'a
kitsú nda tsank'oo

nk'ie nga tíjña sa:
“Nk'ie nga kj'ua
jan

n̄istjin,
kj'uaíya
ngáhana
ngabayoo.”




As'ai incha ngjisehe tsjóo.
Nku ndjio y'échjanekoho.
Y'échjane sisin ko
y'entu já jun xi
kikunntá yo.



Nk'ie nga j'a xuatu, ja tífi ma sen ngáha
nistjin xi b'atuts'ihin ra tuntjoo,
ngjisehe tsjoo Maria
Magdalena ko Maria xinkuu.
As'ai tu nkuhú chón xi
tu xí 'yúhún kama.
Nku ntítsjehe
Ntianá nibajen
nk'a ján.

J'aikjexín ndjio xi
tjíchjane ankuaha
tsjoo ko yo
y'ejñasun.



Nk'ie nga_incha kieke ntítsjee já jun xi
tj_incha kunntá tsjóo, tu xí_incha
kitsankjúhún nga_incha
kik'atsé. B'a_incha
kik'ientu xi nkúhu tsa
ja k'ien kik'ientu.



As'ai kinchjako ntítsjee jminchjün nga
b'a kitsúhu: —Najmi tu binkjun.
Be nga Jesu xi kis'et'a kruu
tíbinchisjó. Najmi ta ei
tíñaha. Ja kaf'áiya
ngáha ra ngabayoo
xi nkú nga kitsú.
Nibáhasoo ante
má nga kis'ejña.



As'ai tsitju kitsa kitsa jminchjün aya tsjóo.
Títsankjún ko tsjo nkjún tímaha.
Tsangatsanka nga ngji tsúyaha já
ni'yakuyóo éen. Ko nga tjincha fi,
tu yohó kisatéjin Jesu ko
janiñaha. As'ai incha ngjik'úhün
ko kitsubakjá sjai nga
kits'íntsjoho.



As'ai tu chahán tsakúchjihí yjohó Jesu já ni'yakuyá xi te nkuu nk'ie nga kab'entut'á yámixó. Ndjá kinchjako at'aha najmi s'ejihin ko ndjá tjíntuyá animaha, at'aha najmi kis'ejihin ni xi kitsúyaha xi kikié Jesu nk'ie nga ja j'áíya ngáha ra ngabayoo. Nda Ntíaná Jesu, nk'ie nga ja kinchjako já ni'yakuyáha, as'ai ngjinji nk'a ján ko y'ejñat'aha Ntíaná.



'Kits'íntjo Nt̄ianá x̄ut̄a āsuntee nga
kitsjá Ntí nku tutuh̄u t̄u xi najmi
ndyjaha xi s'ejih̄in r̄a kui, nga
t̄u sahá k'úéentu t̄ík'un sín.



Xujun xi kin'ekjihu xuta ninku Roma 3:23

Tu ngat'aha nga ngayjee xuta kits'in ngatitsun, ndaha nku najmi sakuhu kjuachanka xi Ntiana tsja.

Xujun xi kin'ekjihu xuta ninku Roma 6:23

At'aha ngabayoo, kui xi chjihu ngatitsuun, tunga Ntiana tu tsjaha nga k'uentu tik'un sin xuta xi nkuhu mako Nda Ntiana Jesucristo.

Xujun xi kin'ekjihu xuta Hebreo 9:27

Xi nkú nga ts'in tíjña nga ngayjee xuta tjihin nga nkuhu niya kuaya ko askahan chasehe mí nihi xi kits'in,



Xujun xi kin'ekjíhi xuta ninku Efeso 2:8,9

Ngat'aha kjuandaha Ntiana ts'ankihinu at'aha kis'ejinnuu.
Ntia nina tu kits'ink'ankihinnuu. Najmi jun manuu n'o ni xu'bi.
Najmi ngat'aha ni nda xi kin'eé ts'ankihiná, tsa tu xi b'a ts'in
tjin xi nk'a k'uasjehe yjoho.

Xujun xi kin'ekjíhi xuta ninku Roma 10:9,10

At'aha tsa tsu'bai kuitjuhu nga n'ekiei yjohi nga Jesu xi Nda
Ntiana, ko tsa ngayjehe animahi s'ejihin nga Ntiana
kits'inkj'áiya ngaha ra Jesu ngabayoo, n'ek'ankihi.
At'aha ajin animaha ni xuta nibaha ra nga s'ejihin Ntiana, tu
xi naxu bichu maha. Ko ts'a bitjuhu nga b'a tsu nga Jesu xi
Nda Ntiana, tu xi n'ek'ankihi.



Xujun xi y'ét'a Jua 3:16,17

'Kits'íntjo Ntíaná xuta asuntee nga kitsjá Ntí nku tutuhu tu xi najmi ndyaha xi s'ejihin ra kui, nga tu sahá k'úéentu tík'un sín. Ntíaná najmi kits'ín nibá Ntíhi asuntee tsa tu xi k'uéñanehe ra xuta ni xi kanéhe ngat'aha ngatitsun xi kits'ín. Kits'ín nibá ní tu xi ts'iínk'ankihi.

1 Xujun xi tjun kits'ínntu nda postru Jua 5:11-13

Nga kitsjáná nga kuintsuba tík'un síaán ko nga Ntíhi sakújinná kjuatík'un xu'bi, kui én xu'bi xi kinchja Ntíaná. Xi tíñajihin Ntíhi Ntíaná, kui xi tíñaha kjuatík'uun. Tunga xi najmi tíñajihin Ntíhi Ntíaná, kui xi najmi tíñaha kjuatík'uun. Kuak'iet'ánuu ni xu'bi, jun xi s'ejinnuu Ntíhi Ntíaná, tu xi chahanu nga tíñanuu kjuatík'un xu'bi ko kuintsuba tík'un síún.



Xujun xi y'et'a Mateo 26-28;
Xujun xi y'et'a Luca 22-24;
Xujun xi y'et'a Jua 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Mazatec, Jalapa de Díaz NT (maj) © 2013, Wycliffe Bible
Translators, Inc. All rights reserved.

<https://www.bible.com/bible/854/MAT.1.MAJ>

©2025 Bible for Children, Inc.

www.M1914.org

www.bibleforchildren.org

